



卷一  
周序

序

詩之爲道未有不備眾妙而可以詩鳴也。范石湖先生詩，姜白石稱其溫潤，楊誠齋稱其清新，嫵麗至有摘月從雲，復皆奇。夜天到梅邊，有別春之句，以爲絕調者。此如晁無咎誦張文潛斜日兩竿眠，犢晚春波一眼去，鳧寒爲莫節，及者等。夫古今之論詩者多矣，惠休稱謝靈運爲初日芙蓉，沈約稱王筠爲彈丸脫手，要亦得其髣髴耳。豈遂有以撰作者之體哉？石湖詩如客愁無錦字，鄉信有燈花，釀泥深巷五更雨，吹酒小樓三面風，何嘗不淒婉。落花堆錦暖，吳藕鑿冰寒，石門柳綠清明雨，洞口桃花上巳山，何嘗范氏詩選卷四周序

卷四

周序

一

望雲草廬

不工緻，悲壯則舟危，神女峽，馬瘦鬼門關，漢樹有情橫北渚，蜀江無語抱南樓，精細則袖單嫌翠薄，杯冷怯金寒，雲堆不動，山深碧，星出無多月，淡黃卽五七律中可見者，媿此而可以一格律之哉。然所造詣無端充之而極其致，且各極其致，嗚呼難言之矣。

雪蒼氏題

序

論者謂張曲江詩韓昌黎文顏平原書爲古今第一流人  
故所詣亦爲古今第一藉其人不以詩與文與書顯要亦  
卓卓不可磨滅矧兼之也夫勳業文章實相表裏論者又  
謂詩之爲道類出之離憂放廢中非廟堂人所能辨是則  
刻舟之說也南宋詩人眾矣而後人獨倭渭南不置不知  
石湖先生實負時譽誠齋白石各輸心推讓此豈邊見哉  
況其生平所豎立皆足以蹂躪時流稱不朽業所在內外  
義役有設堤堰有修邊戍有撫蜀士有崇有增絹價贖罪  
之疏有議大理加等之疏有抑漕司強取之疏有罷明州  
范氏詩選

采四柴序

二 翠雲草廬

書今夕念衰筇江湖有佳思逆旅百憂集

桑嶺

回腸山百盤揮手天一握俯驚危棧穿仰詫飛石落挽輿  
如挽舟絕叫斷雙笳怪蔓纏枯槎瘠草被幽壑此豈車馬  
路誰云強刊鑿人言遠遊好呼來試着脚

遊英石山寺

西湖富清麗城府塵事并我獨數能來不負雙眼明騷騷  
殘絮罷颺颺新荷成歲華日夜好遊子能無情午陰釀初  
暑稍喜巾袂輕小風吹鬢玉將我入松聲崖寺金碧暗石  
泉肝膽清壽萬歲舞燕峰雙鬢撐仙人昔來遊筆墨上

焚焚舉臂尋丈高聊得兒童驚老矣謝狡獪題詩記吾曾  
寺門額壁有仙人顏兩李甲蕭均三人題詩方  
迴筆時迴臂丈餘聞人驚報主僧回顧已失

大暑舟行含山道中雨驟至靈奔龍挂可駭

隕雲緩前驅連鼓訖後殿漫漫失高丘擾擾暗古縣白龍  
起幽壑黑霧佐神變盈傾耳雙瞠斗暗目四眩帆重腹逾  
飽榜聞鳴更健圓滯暈雨點濺滴走波面伶俜愁孤鴛颺  
閃亂饑燕麥老枕水臨秧稗與風戰牛溪戾城沈蟻隧洶  
飢建水車競施行歲事敢休宴啞啞嘯簧鳴輾輾連鎖轉  
駢頭立婦子列舍望宗仲東枯駭西潰寸涸驚尺澗嗟余  
豈能賢與彼亦何辨扁舟風露熟半世江湖徧不知憂稼  
范氏詩選 卷四 石湖五言古 三 望雲草廬  
穡但解加餐飯遙憐老農苦敢厭遊子倦

六月七日夜起坐殿廡取涼

畏暑中夜起出門月露清晶瑩臥銀漢錯落低玉繩網戶  
開妙香石樓棲古燈風從何處來殿閣微涼生桂旗儻不  
動藻井森上征椽楣共突刃鬼物相枝撐彭觥鐵挂枝磔  
磔柶燕驚俗人豈解事鼻息春雷鳴大星送曉來四窗炯  
微明顯氣燥膚骨栩栩兩腋輕乘風欲歸去驂鸞狎青冥  
卻恐方平知浪得狡獪名

行塘村平野晴色妍甚

暖日烘繁梅穠香撲撲征軟雲烟釀春色心目兩貽蕩柳眉

翠已掃。桑眼青未放。茲游定不俗。前路入千嶂。

自石林回過小玲瓏巖竇益奇昔爲富人吳氏所有

今一子尚幼山檢校於官

一邱乃中虛。洞穴四無礙。脫略巖岫杳。黝斜石狀怪。蒼牛飲前池。碧鱗盪微瀨。雕鏤具百巧。圖畫着千態。哀湍瀉危磴。凍雨濕空翠。疎梅照草棘。瘦竹枝。蹊隨。當時閭閻子。目力有塵外。孤童貌難料。奇事疑有待。誰歟千金捐。來換把茅蓋。不仙亦足豪。衆垵皆累塊。我評北山遊。勝絕此無對。玲瓏詎可小。孰能爲之大。

興安乳洞有上中下三巖妙絕南州率同僚餞別者

范氏詩選

卷四

石湖五言古

四望雲草廬

二十一人遊之

水山敦宿好烟霞痼奇懷向聞乳洞勝出嶺更徘徊雪林  
編萬李東風知戒來華裙繡高原故人紛後陪繫馬玉溪  
橋嵌根谿崔嵬蕩蕩碧瑤宮冰泉漱牆隈芝田漑石液深  
畦龍所聞句我一掬慳類此炎州埃仍呼輪袍舞醉倒瑞  
露杯但恐驚山露腰鼓轟春雷薪翁雜病歸圍視歡以怡  
茲巖何時鑿闕老幾劫灰始有此客狂後會眞悠哉南遊  
冠平生已去首猶回歲月可無紀三洞俱磨推會有好事  
者摩挲讀蒼苔

南臺瑞應閣用壁間張安國韻

衝雨上山頭臨行看山脚松閒一彈指開此竇樓閣草鞋  
方費錢柳子不暇握小偈出雷音千古驚猿鶴

題嶽麓道鄉臺

山外江水黃江外滿城綠城外杳無際天低到平陸長烟  
貫楚尾遠勢帶吳蜀故園東北望遊子欄于曲

三月十五日華容湖尾看月出

雲銷岳陽風月生岳陽水誰堆赤金盤湧出白雲地徘徊  
忽騰上蹠蹠恐顛墜稍高輪漸安飛彩到蓬背晶晶浪皆  
舞靨靨星欲避兜羅世界網普現無邊際官居東戶庭有  
眼如幻翳向非行大荒寧有此巨麗乘除較得失漂泊非  
范氏詩選卷四石湖五言古五望雲草廬  
左計妻孥競驩譁渠亦知許事

峽州至喜亭

斷崖臥水口連岡抱城樓下有吳蜀客檣竿立滄州雨後  
漲江急黃濁如潮溝時見出峽船鏡鼓譟中流適從柵灘  
來白狗連黃牛渦瀆大如尾九死爭船頭人鮮尙脫免虎  
牙不須憂

虎牙灘

傾崖溜雨色慘淡水墨畫辛奇碎花懸瓠木老藤掛翠莽  
楚甸窮黃流蜀江下一灘今始嘗三峽此其亞雨點鼓士  
揜雲騰逸夫跨鷲心度石林破眼見村舍牛眠草色裏犬

映竹林罅步頭可樣船安穩睡殘夜

一百八盤

疇昔辭桂林自謂已出嶺蛻蟬蠻烟中恍若醉夢醒今來  
峽山路步步躡雲頂仍聞蚯蚓瘴顧與嶠南等平生行路  
難驚浪兀漂梗迷途茲益遠鳥道非人境老矣法當伏懷  
哉跡可屏拜手天東南亟上歸田請

千石嶺

晨光挂高嶺晴色媚遠客哀湍吼叢薄宿霧裊絕壁露重  
蘚花紫風來蓬背白迷山朴渥跳飲澗於菟迹層巔多朽  
木迤磴有危石不知山幾重杳杳入叢碧

范氏詩選

卷四 石湖五言古

六 望雲草廬

嘲峽石 并序

峽山江濱亂石萬狀極其醜怪不可形容舉非世間  
諸所有石之比走筆戲題且以紀異

峽山狼無情其下多醜石頑質賈憎唾傀狀發笑啞麤類  
墳壤黃沉漬鐵矢墨或如溝泥泥或似凍壁圻堆疑聚廩  
粟侈若壞城巒槎牙鏤朽木狼籍莫枯骸礪砢包羸蚌淋  
漓錮鉛錫縱紋瓦溝隴橫墨衣摺裂鱗皴斧鑿餘坎皆蹴  
踏力云河清淑氣孕此譎詭跡我本一丘壑嗜石舊成癖  
端溪紫琳映洮河綠沉色階冊截肪膩泗磬鳴球擊嵌空  
大湖底偶立韶江側真陽刺千岩營道剷寸碧倦游所闕

多未易一二籍。竭來茲山下。刺眼昔未覲。或云峽多材。奇秀鬱以積。絕代昭君村。驚世屈原宅。東家兩兒女。氣足豪萬國。山石何重輕。奚暇更融液。我亦味其言。作詩曉行客。  
中峰 茂真尊者舊菴在峰下相傳 孫思逸與茂真相呼而應

凌高錫危峰。斗下頰幽谷。仙英馥椒蘭。嘉陰轟旄纛。空翠元不雨。潤雲自膏沐。暑浴森有稜。瘁肌淩欲粟。曰崖如負依。金界莫蒼麓。眾峰拱二八。娟妙澆重屋。真人與尊者。幽居接松竹。呼之儻肯應。留我試煨玉。

送江朝宗歸括蒼

半生三邂逅。相看老成翁。詩情故翠嶺。袖有天都峰。江山范氏詩選 卷四 石湖五言古 七 望雲草廬

佳麗地。登臨苦匆匆。塔燈落淮水。寺樓倚霜空。攜拾著錦囊。撫掌夸窮工。歸轡不可挽。思入孤征鴻。洞天我昔遊。俯仰星一終。士友歎契闊。吏民念罷癯。婆娑故新軍。白髮簿書叢。足跡雖四方。夢寐烟雨東。歸田有脚力。尙往尊行蹤。期君斬寒藤。伴我檣枯筇。

舫齋信筆

燕居故可樂。病臥翻可憐。身閒儻更健。其人半神仙。既無揚州鶴。龍鍾任吾年。南齋深而明。略似西江船。船中何所有。藥氣雜爐烟。親朋稀老伴。暫來卽飄然。秋蠅獨戀戀。終朝相撲緣。霜晴日色濃。窗紙烘春妍。但愁添眼花。曠坐聊



參禪困從定中生。曹騰夢相牽。三昧未得力。千魔方現前。  
欠伸付一笑。朽腐難瑠鐫。東藍午齋動。風順鐘鼓傳。家人  
亦相呼。趣具先生盤。牛飼能幾何。蟬腹易便便。此日雖可  
惜。姑付食與眠。

三月十六日石湖書事

湖光明可鑑。山色淨如沐。閒心愜舊觀。愁眼快奇矚。依然  
北窗下。凝塵滿書簾。訪我烏皮几。拂我青氈褥。荒哉賦遠  
遊。幸甚遂初服。老紅餞餘春。翠綠自幽馥。好風吹晚晴。斜  
照入疎竹。兀坐胎息勻。不覺清夢熟。

○ 范村午坐

范氏詩選

卷四

石湖五言古

八

望雲草廬

好風入修篁。槁葉舞而墮。斷續一蛩吟。高下雙蝶過。凍越  
午陰圓。靜極成癡坐。老便几杖供。慵廢誦絃課。蒲團軟易  
暖。困來百骸惰。四旁無人聲。誰驚短夢破。

石湖先生詩選

禹航 周之鱗 雪蒼

全選

七言古

行路難

贈君以丹棘忘憂之草青棠合歡之花馬腦遊仙之夢枕  
龍綠辟寒之寶紗天河未翻月未落長夜如年引春酌昔  
人安在空城郭今夕不飲何時樂

過松江

長虹斗起蛟龍穴朱碧欄干夜明滅太湖三萬六千頃多

范氏詩選

卷四 石湖七言古

九 望雲草廬

少清風與明月青鵝驚飛白鷺閒丹楓未老黃蘆折誰將  
橫笛叫蒼烟無限驚波翻白雪洞庭林屋舊遊處玉柱金  
庭路巉絕水仙逢迎摻修袂問我歸計何當決去年匹馬  
元春寒今此孤蓬蒼秋熱人生意氣得失閒輕重劍頭吹  
一映莫將塵土澆朱顏卻待丹砂回白髮

夜宴曲一首舟吳會亭

去年春盤浙江驛湛湛清波動浮石今年春盤吳會亭冥  
冥細雨溼高城天邊作客風沙裏今年去年成老矣亭心  
古井冷無波過眼人情亦如水憶昔三生住翠微偶來平  
地着征衣山中故人應大笑扁舟坐隱何當歸

題金牛洞

洞在宣城之成山前此蘇廢無聞自魏公尚書發之嘗有笙簫之瑞

故鄉吳江多好山  
筍輿蔑舫相窮年  
春風吹入江南陌  
疊嶂雙峰如舊識  
聞道金牛更孱顏  
古來鐵鎖高難攀  
自從仙伯弭芝蓋  
鳳舞鸞歌開洞天  
新詩賸說山中妙  
我不曾遊先夢到  
從渠弱水隔蓬萊  
雲山何處無瑤草

新安絕少紅梅惟倅廳  
特盛通判朝議召幕僚賞之  
坐皆有詩亦賦古風一首

華燈放盡江梅落  
別有橫枝照林薄  
天教閬苑染芳根  
小住山城慰蕭索  
騰騰醉從酒缸醺  
澹澹妝成笑靨新  
斟酌東君已傾倒  
爲渠都費十分春  
別乘胸懷有風月  
催喚清

范氏詩選

卷四

石湖七言古

十

望雲草廬

尊洗愁絕花知主  
客俱不凡一夜光  
風融絳雪樓頭暝  
吹單于花梢挂星  
光有無歸來境熟  
落春夢夢入鎖香  
紅綺疏

胡宗偉罷官改秩舉將不及格往謁金陵丹陽諸使者遂朝行在頗有倦遊之歎作詩送之

凍雲埋山天冥濛  
北風無情雪塞空  
道傍人稀鳥飛絕  
問君東遊何匆匆  
君言薄官淡無味  
免俗未能聊復爾  
我評茲事一鴻毛  
因行且看佳山水  
陵陽樓閣壓高城  
烟屏百

疊雙流橫

宣城疊嶂樓似溪閣

姑孰江亭更奇絕  
濃黛兩抹長眉青

當塗鏡眉亭望東

山形成龍復成虎  
六代遺蹤供吊古

謂金

陵鐘山石頭 大荒莽蒼江水黃兩涘風烟眇吳楚賞心亭兩花臺所見卻

浮一葦下長川浮玉低昂波聒天長蘆眞州寺浮玉丹陽金山也梁南溪

岸小停櫂一酌人閒第二泉無錫惠山陸子泉閶門峨峨過吾國

姑蘇僕故里閶門北門也姑蘇臨波照金碧太湖三萬六千頃上有垂

虹跨南極吳江長橋三高亭鷓夷子在焉我家越相尙神遊試從烟浪訪

扁舟問訊白鷗相記否謂言久客不勝愁軟紅三尺長安

道九里城闕乾坤繞西湖山寺浙江樓君昔曾遊今更好

故人客館中天開非君誰上黃金臺挽着天衢五雲上卻

望江湖如夢迴萬境何如一丘壑幾時定解客裳縛幔亭

山下桂叢深清社向來都寂寞幔亭清社皆宗諱舊隱故事

范氏詩選 卷四 石湖七言古 十一 望雲草廬

浮丘亭知郡秘書新作以望黃山

黔山鬱律神仙宅三十六峰雷雨隔城欄檻偃雙旌笑

把浮丘爲坐客巖扉無鎖書長開紫雲烟滅多樓臺雲中

仙馭參差是肯爲使君乘興來西崑嶼絕不可至東望蓬

萊愁弱水誰知芳草徧天涯玉京只在珠簾底他年麟閣

上清空卻訪舊遊尋赤松我亦從公負丹鼎來刷砂牀汲

湯井砂峯溫泉皆在黃山

次韻陳季陵守丞求歛石眉子硯

金星熒熒眉子綠婺源琢石如琢玉寶玩何曾球枵腹但

愛文君遠山蹙文人筆陣森五兵書品入妙仍詩名我有

坡陀天海樣與公文字俱金聲臬盧一擲不須呼沉敢定  
價論車渠只煩將到妝臺下試比何如京兆畫

韓無咎檢詳出示所賦陳季陵戶部巫山圖詩仰窺  
高作歎息彌襟余嘗攷宋玉談朝雲事漫稱先王時  
本無據依及襄王夢之命玉爲賦但云頽顏怒以自  
持曾不可乎犯于後世勿察一切溷以嫫語曹子建  
賦宓妃如感此而作此嘲誰當解者輒用此意次韻  
和呈以資撫掌

瑤姬家山高插天碧叢奇秀古未傳向來題目經楚客名  
字徑度峨眉前是耶非耶莽難識喬林古廟常秋色暮去  
范氏詩選

卷四

石湖七言古

三

望雲草廬

行雨朝行雲翠瑤席知何人峽船一息且千里五兩竿  
頭見蟠尾仰窺仙館至今疑行人問訊居人指千年遺恨  
何當申陽臺愁絕如荒村高唐賦裏人如畫玉色頽顏元  
不嫁後來饑客眼長寒浪傳樂府吹復彈此事牽連到溫  
洛更懷塵襪有無閒君不見天孫住在銀濤許塵閒猶作  
兒女語公家春風錦瑟傍莫爲此圖虛斷腸

倪文舉奉常將歸東林出示綺川西溪二賦輒賦長  
句爲謝

綺川亭上凌雲賦人在回仙舊遊處誰教書劍走長安荻  
月楓霜等閒度朱門不灸釣竿手萬卷難供折腰具偶然

把筇憶蓴羹乞得閒官徑呼渡江漲橋頭有渡船船頭慙  
慙東林路雲烟如畫水如天笑憶紅塵間良楫我亦吳松  
一釣舟鱗舍漂搖幾風雨因君賦裏說江湖破帽蹇驢明  
亦去雞犬相聞望可見鷗鷺同盟心已許相過得得款溪  
閒雪夜前村聽鳴榔

樂神曲

豚蹄滿盤酒滿盃清風瀟瀟神欲來願神好來復好去男  
兒拜迎女兒舞老翁翻香笑且言今年田家勝去年去年  
解衣折租價今年有衣着祭祀

浮湘行

范氏詩選

卷四

石湖七言古

三

望雲草廬

湘山中閒湘江橫菰蘋葉齊春漲生盤渦沄沄去無聲吾  
乘桂舟行中冷揚波擊汰雙擣掉輓艫引竿如牛鳴篙師  
絕叫疊鼓轟潛魚跳奔乳猿驚暖烟浮空晝夢騰山長水  
遠天無情吹簫拊瑟甲湘靈水如風馭續來迎問客良苦  
遠征行昨者斧鉞下青冥命我盡護安南兵嶺海一視如  
王庭布蕩陽春濯腐腥王事靡盬來有程匪躬之故惟爾  
眈芳州杜若空青青九歌淒悲不可聽願賡楚詞歸和平  
湖口夜泊南去零陵千里矣營水來自營道過零陵  
下湘水自桂林之海陽至此與營會合爲一江  
我從清湘發源來直送湘流入營水故人亭前合江處暮

夜檣竿矗沙尾卻從湘口望湘南城郭山川恍難紀萬壑  
千岩詩不編惟有蒼苔痕展齒三年瘴霧亦奇絕浮世登  
臨如此幾湖南山色夾江來無復瑤簪插天起坡陀狼石  
蹲清漲搖蕩光風浮白芷騷人魂散若爲招傷心極日春  
千里我亦江南轉蓬客白鳥愁烟思故壘遠遊雖好不如  
歸一聲鷓鴣花如洗

寄題灑江亭

一水之會新作亭主人文章子墨卿我記新亭且不朽十  
載當與文俱鳴題榜誰歟漢使者風流好事節儒雅十生  
兩君吾故人安得繫馬亭階下鼓旗西征上奔瀧所思不  
范氏詩選

卷四

石湖七言古

西

望雲草廬

見心難降瞿塘縱有文鱗雙愛莫致之章貢江

重遊南嶽

焚香鎮南殿過銓德觀醮注生祠庭觀道  
君玉符玉七及八角玉印方四寸許文曰

注生眞君玉印雨中登山遊南臺福巖至瑞應  
柳鉢天柱諸峯之上寒甚病衰不至上封而返

捨舟得馬如馭氣步入青松三十里我從蠻嶺瘴烟來不  
怕雲雨埋嶽趾憶昔南征款廟庭往來無恙神所社當時  
已有歸田願帝臨此心如白水煌煌南征館於東手握八  
觚溫玉璽駿奔瀟霍左右輔好生不殺扶災紀崇禋竣事  
曉壇空躋攀小試青鞋底不知雲磴幾千丈但見漫山白  
龍尾石頭招我上南臺瑞應欄干天半倚福巖鐘聲過橋  
來彷彿三生如夢裏堂中尊者已先去苔鎖巖扉何日啓

竹嫌礪硯老逾瘦松畏高寒蟠不起癯儒尙病怕登深幽  
討未窮行且止我評七十二高峯鬱律穹窿少觀美儼然  
可瞻不可翫往往雄尊如負屨乃知嶽鎮蓋深厚不與他  
山爭秀偉區區獻狀眩兒童乳洞淡巖眞戲耳

桃花舖

老巖漫山鳳尾張青楓直幹如攢槍山深嵐重鼻酸楚石  
惡淖深神慘傷陰崖風生吹客急草中枯株似人立眈眈  
卓幕光下程將士黃昏始相及三登三降岡始斷一步一  
休日欲斜濁酒半瓶不得暖覆盆有舖無人家

鑽天三里

范氏詩選

卷四 石湖七言古

五

望雲草廬

非岡非嶺復非坡黃鵠不度吾經過妻孥下行啼且笑聯  
手相攜如踏歌風吹汗乾人力盡屐齒與石方相磨鑽天  
三里似千里四十八盤將柰何

大了隘

峽行五程無聚落馬頭今日逢耕鑿麥苗疎瘦豆苗稀椒  
葉尖新柘葉薄家家婦女布纏頭背上小兒領垂瘤山深  
生理卻不乏人有銀釵一雙插

胡孫愁

傾崖當胸石鬻足失勢毛菴槁幽谷王孫卻走斷不到惟  
有哀猿如鬼哭僕夫酸嘶訴道窮我亦付命無何中悲風



忽來木葉戰落日虎嘯枯竹叢

離堆行

涪江有兩岸中斷相傳秦李太尉鑿此以分江水蜀早支以江水涸即遣官致祭謂之瀾水無不應民祭賽者率以羊歲四五萬計

殘山狼石雙虎臥斧跡鮮被中鑿破潭淵油油無敢唾下  
有猛龍踰鐵鎖自從分流注石門西州秔稻如黃雲割羊  
五萬大作社春秋伐鼓蒼烟根我昔官稱勸農使年年來  
激西江水成都火米不論錢絲管相隨看蠶市款門得得  
酌清尊椒漿桂酒荆羶葷志欲一語神豈聞更願愛羊如  
愛人

玉華樓夜醮

青城觀殿前大樓制作瑰麗羽衣云常有火炬出殿後峯上千默禱之果現眾

范氏詩選

卷四

石湖七言古

六

望雲草廬

共觀之

丈人峯前山四周中有五城十二樓玉華山宮居上頭紫  
雲欲傾千柱浮剛風八面寒颼颼靈君宴坐三千秋躡符  
行飛戲元洲下睨濁世悲蜉蝣桂旗偃蹇澹少休知我萬  
里遙相投暗蜩奏樂鏘鳴球浮黎空歌清夜遭參旗如虹  
欲下流化爲神燈燭巖幽火鈴洞赤凌空遊誰欲蔽虧黯  
然收禱之復然爲我留半生縛塵鷹在韞豈有骨相肩浮  
丘山英發光洗羈愁行迷未遠夫何尤笙簫上雲靈欲旂  
揖我從之驂素虬

萬景樓

左披九頂雲右送大岷月殘山剩水不知數一一當樓供  
勝絕玻璃濯錦遙相通指麾大渡來朝宗川靈胥命各東  
去我亦順流呼短蓬詩無傑語慚風物賴有丹青傳小筆  
仍添書客倚欄看今與山川相映發龍彎歸路遠烏尤棟  
雲簾雨邀人留若爲喚得涪翁起題作西南第一樓

在漢嘉城

中山上登覽勝絕殆冠西川

雷平湖

大旱以死餓及婦人弊履投之雷雨卽至

行人魄動風森森兩崖奔黑怒太陰不知七十二洞處側  
足下窺雲海深聞有神龍依佛住棖觸須臾召雷雨西川  
稻熟須好晴我亦閑遊神勿驚

范氏詩選

卷四

石湖七言古

七 望雲草廬

涪州江險不可泊入黔江艤舟

黃沙翻浪攻排亭潰淖百尺呀成坑坳窪眩轉久乃平一  
渦熨帖千渦生篙師絕叫歐川靈鳴鏡飛度如奔霆水從  
岷來如濁涇夜榜黔江聊濯纓玻璃徹底鏡面平忽思短  
棹中流橫釣絲隨風浮月明

豐都觀

在豐都縣後三里平都山舊名仙都觀相傳前漢王方平后漢陰長生得道處陰君上升時五雲從地湧出內

王母朝元隊仗尤奇

神仙得者王方平誰其繼之陰長生飄然空飛五雲駟上  
賓寥陽留玉京石鑪丹氣常夜明寵光萬柏森千齡峽山  
偈仄岷江縈洞宮福地古所銘云有北陰神帝庭太陰黑

薄囚鬼靈自從仙都啓靈扇明霞流電飛陽晶暉景下墮  
鏤九冰寒絕苦道升無形至今臺殿棲玲璚隋圻唐堊留  
丹青十仙怪奇溪女清瑤池仙仗紛娉婷琅玕赴節鏘欲  
鳴我來秋暑如炊汗流呀氣扶枯藤摩挲眾蹟不暇評  
聊記梗概知吾曾

瞿唐行

白鹽赤甲皆峽口大山黃嵌黑石皆峽中至險處入峽西岸有聖泉舟人或向之疾呼曰人渴也泉即迸下一杯許復乾余舟過甚急未之試也

川靈知我歸有程一夜漲痕千丈生中流擊楫洵作氣夾  
峰斂旗呀失聲不知灑灑在船底但覺瞿唐如鏡平鑿峽  
疏川狼石破號山索飲飛泉驚白鹽赤甲轉頭失黑石黃  
范氏詩選 卷四 石湖七言古 大 望雲草廬

唐行

後巫山高一首

余前年入峽嘗賦巫山高今復作一篇十二峰中東西各一峰最奇不可繪畫左右前後餘峰之可望果與大巫山觀者尚多不止十二峰也

凝真宮前十二峰兩峰娟妙翠插空餘峰競秀尚多有白  
壁蒼崖無數重秋江漱石半山腹倚天削鐵荒行蹤造化  
鍾奇轟瑤瑤嶮真靈擇勝探珠宮朝雲未罷暮雲起陰晴竟  
日常冥濛瑤姬作意送歸客一夜收潦仍回風仰看館御  
飛檝過回首已在虛無中惟餘烏鴉作使者迎船送船西

復東

扇子峽

茲行看山眞飽諳今晨出峽仍窮探南磯北磯白鐵壁千  
峰萬峰碧玉簪橫前直疑江已斷峴起競與天相攙蜀山  
欲窮此盤礴禹力且盡猶鑿劍望舒宮中金背蟾泥塗脫  
盡餘老饒下飲岷江不知去流涎落吻如排髯挈餅犧棹  
斟清甘未暇煮茗和薑鹽聊將滌硯濡我筆恍忽詩律高  
巉巖

毛公壇福地

松蘿滴翠白晝陰七十二峰中最深綠毛仙翁已仙去惟

范氏詩選

卷四

石湖七言古

九

望雲草廬

有石壇留竹塢竹檜掃壇石槎牙漢時風雨生蘚花山中  
笙鶴尙遺響湖外人烟驚歲華道人眸子照秋色邀我分  
山築丹室驅丁役甲莫見嬾渴飲隱泉饑餌朮

頃乾道辛卯歲三月望夜與周子充內翰汎舟石湖  
松江之間夜艾歸宿農圃距今淳熙己亥九年矣余  
先得歸田復以是夕泛湖有懷昔遊賦詩紀事

石湖花月浮春空憶共仙人同短篷三年半醉吹笛去擢  
入溼銀天鏡中鶴鳴喚歸斗未沒卻步扶疎花底月不知  
行到碧梅邊但見天風吹積雪月圓月缺今幾回綠舊滿  
湖金碧堆仙人還上玉堂宿合有片時清夢來一笑瀛光

飛電抹嫦娥相對兩愁絕桂枝應亦老無花蟾兔不須疑  
鶴髮

龍門峽

插天千丈兩碧城中有玉塹穿巖扃瀑流懸布不知數亂  
落嵌根飛白雨瑤琨爲室雲爲關龍君所居朱夏寒不辭  
擊棹更深入萬一龍驚雷破山

荆渚中流回望巫山無復一點戲成短歌

千峰萬峰巴峽裏不信人門有平地渚宮回望水連天卻  
疑平地元無山山川相迎復相送轉頭變滅都如夢歸程  
萬里今三千幾夢卽到石湖邊

范氏詩選

卷四

石湖七言古

三 望雲草廬

白雲峽

雙溪疑從銀漢下我欲窮源問仙舍飛瀾濺沫激籃輿卻  
望兩岸天一罅疎疎暑雨滑危梯策杖山風掖高駕尋幽  
險絕大奇生莫笑退之號大華

雙溪

在白水寺前僧云此景猶在廬山三峽  
鴈蕩龍湫之上溪中常有五色光相

冷風騷騷木葉低洞淵阻深生怪奇碧琳雙澗黑無底中  
有玉龍相對飛雷轟雪卷入林樾化爲一龍潭底沒摩尼  
鬪罷四山空時有寶花巖下發

送曾原伯運使歸會稽

秧田水滿麥栖畝勸農使者翻然去去年愁苦救荒晴豈

敢夢爲今日歸天津橋西官柳陌文書燈火長相覓江山  
信美不留人寂寞回潮工送客鏡湖一曲浙河東萬頃太  
湖蓑笠翁願賡四愁作五詠我所思兮思剡中

小峨眉

有序

近得靈壁石絕似大峨眉正峰名之曰小峨眉東坡嘗  
以名廬山恐不若此石之逼真也作小峨眉歌以夸  
之

三峨眉橫大峨眉高奔崖側勢倚半霄龍踞虎臥起且伏旁  
睨沫水沱江朝禹從岷嶓過其下奠山著藉稱雄豪告成  
歸來兩階舞泗濱錫貢備九韶覽觀此石三歎息髣髴蜀  
范氏詩選

卷四

石湖七言古

三

望雲草廬

鎮俱岩崑惜哉擊拊墮箕箒輦從淮海還山椒降商訖周  
謹呵護磬氏無敢加鑄雕劉項蝸爭鬪靈壁血漂川谷流  
腥臊水官恐此被染醜穢包席裹吳中逃市門大隱闔千  
祀苔衣塵網霾孤標尤物顯晦定有數昨者惠顧不待招  
我昔西遊踏禹跡暑宿光相披重貂十年境落臥遊夢摩  
挲壁畫雙髻凋天憐愛山欲成癖特設奇供慰寂寥恍然  
坐我寶巖上疑有太古雪未消嵌根壁積巧入妙峰頂箕  
踞貴不驕爐烟雲浮布銀界隙日紅貫凝金橋是時歲杪  
臥衰疾健起放杖驚兒曹龍鍾遶圍喜折屐龜手拂拭寒  
侵袍太湖未暇商甲乙羅浮天竺均鴻毛小峨眉之名神所

昇永與野老歸漁樵作詩賀我得石友且以併賞茲丘遭

烟江疊嶂有序

烟江疊嶂太湖石也鱗次重複巧出天然王晉卿嘗  
畫烟江疊嶂圖東坡作詩今借以爲名此石里人方  
氏所藏故物非近年人功雕斲者比

太湖嵌根藏洞宮槎牙石生齋淪中濤波投隙漱且嚙歲  
久缺濶深重重水空發聲夜鏗塔中有晴江烟嶂疊誰與  
斷取來何時山客自言藏奕葉江上愁心惟畫圖蘇仙作  
詩畫不如當年此石若並世雪浪仇池何足書我無俊語  
對巨麗欲定等差誰與議直須其眼老香山來爲平章作

范氏詩選

卷四

石湖七言古

三

望雲草廬

新記

古風酬胡元之

拂我膝上琴當客清風襟我琴無軫絃不和願借之子調  
其音美人一笑千黃金彈作江岸花木深下有同隊之遊  
魚上有同聲之鳴禽琴心一疊一歎息江花江草無終極  
病中不復問節序四遇重陽既不能登高又不觴客

聊書老懷

四時變遷翻覆手百卉於人亦何有騷客願詩亦狂酒強  
惜黃花愛重九少年習氣似陶公采采金英滿衣袖攜壺  
木末最關情欹帽風前幾搔首饒吻偏憐棕栗香新衣不

管囊莫莫貪將節物起遨頭肯向賓筵利病叟如今衰颯  
悟空華現在未來飛雷走登臨舊跡如夢斷鶻詠故人多  
骨朽百年長短隨隙駒萬化陳新直芻狗不堪把玩堪一  
笑安用歲時歌拊缶家人亦復探新篚插花洗醜爲翁壽  
蒲團困坐眼慵開莫把故情眷老醜挽鬚兒女太癡生更  
問今年有詩否

驟寒吟

九月奇寒前未聞巷南巷北無行人冥凌盡用大冬手肯  
爲歲翁留小春陰風吹雨作冰屑駝裘如鐵錦裘折可憐  
籬下木芙蓉不獨宜霜更宜雪

范氏詩選

卷四

石湖七言古

寄題毛君先生蓮華峰菴

三

望雲草廬

天台一萬八千丈蓮華峰在諸峰上峰前結屋屋打頭獨  
有幽人自來往湖海雲遊二十春歸來還作住菴人漫山  
苦蕒食不盡繞屋長松爲四鄰丹訣三千滿雲笈往來且  
喜無交涉清晨石上一爐香此時天地皆忻合我衰無力  
供樵蘇尚能相伴暖團蒲但願瘦筇緣未斷曾把蓮峰分  
一半



石湖先生詩選

禹航 周之麟 雪蒼

全選

仁和 柴升 錦川

五言律

道中

月冷吟蛩草湖平宿鷺沙客愁無錦字鄉信有燈花蹤跡  
隨風葉程途犯斗槎君看枝上鵲薄暮亦還家

宿義林院

暝氣昏如雨禪房冷似冰竹閒東嶺月松杪上方燈鶯鶯  
盤金剎流螢拂玉繩明朝窮腳力連夜斬崖藤

范氏詩選

卷四 石湖五言律

望雲草廬

獨遊虎跑泉小菴

苔徑彎環入茅齋取次成蔓花緣壁起閒草上階生宿雨  
松篁色新晴燕雀聲筒泉烹御米聊共老僧傾

十一月十二日枕上曉作

竹響風成陣窗明雪已花柴扉吟凍火紙瓦啄饑鴉宿酒  
欺寒力新詩管歲華日高猶擁被蓐食愧隣家

花山村舍

潦退灘灘露沙虛岸頽鳥聲穿竹去雲影過山來柳菌  
粘枝住桑花共葉開菴廬少來往門巷溼蒼苔

次韻溫伯城上

閉戶成癡坐扶藜得意行樓臺浮霽色市井碎春聲雪盡  
小橋出烟消千嶂生病多無腳力遙羨落鴻輕

長至日與同舍遊北山

歲晚山同色湖平霧不收寒雲低閣雪佳節靜供愁竹柏  
森嚴立蒲荷索莫休瘦筇知腳力政爾耐清遊

題徑山寺樓

浴日滄茫水捫星縹緲樓神光來燭夜壽木不知秋海內  
五峰秀天涯雙徑遊愛山吾欲往衰病嬾乘流

次韻耿時舉王直之夜坐

庭葉翻翻開燈花粟粟穠關山千里鴈風雨滿城鐘隴上  
范氏詩選 卷四 石湖五言律 三 望雲草廬

新登穀江頭舊息烽今年吾計得安穩讀三冬

豫章南浦亭泊舟

繡檻臨滄渚牙樁插暮沙浦雲沉斷鴈江雨入昏鴉野曠  
天何近春寒歲未華朝來風一席隨處且浮家

寄題商華叔心遠堂用卷中韻

示我新詩卷知君遠俗情安流視巫峽灰劫笑昆明微外  
夜絃語幾頭春蟻生藍橋卽仙窟何況有雲英

食罷書字

甲子霖涔雨東南溼蟄風蒨枝梅子綠荳蔻杏花紅捫腹  
鬻茶快扶頭老酒中荒閭經歲客土俗漸相迫

珠塘 未至清湘二十里

林茂烏烏急坡長驢馱鳴坐興猶足痺負擔想肩頰廢廟  
藤遮合危橋竹織成路傍行役苦隨處有柴荆

巴東峽口

水宿頻欹側徒行又險艱舟危神女峽馬瘦鬼門關照夜  
燒畬隴緣雲種斧山催成頭雪白休說髻絲斑

巫山縣

自此復登陸至夔門縣前掉石灘最險登岸以過舟謂之盤灘城樓對高唐門此去瞿唐不百里縣人以郭西流石堆爲水信流石沒則盤灘如馬矣

借馬巫山縣盤舟棹石灘梅肥朝雨細茶老暮烟寒門對

高唐起江從灩澦難流堆三尺在旅夢一枝安

范氏詩選

卷四 石湖五言律

望雲草廬

雲安縣

春暮子規少日斜紅鷓飛兩山多布水一鳥幾柴扉蚓吐

無窮壞人行不斷磯巴陽昨夜雨灘上水先肥杜子美詩云涪萬無

杜鵑黃鸝飛時滿背純赤或云卽黃鶴也峽中蚯蚓之盛無如雲安又多大石岸有一石長里許者

嘉陵江過合州漢初縣下

升徑東川縣山河古合州木根擎斷岸急雨沸中流關下  
嘉陵水沙頭杜老舟江花應好在無計會江樓

次韻同年楊使君回自毘陵同泛石湖舟中見贈二

首

客舫中流下人家夾岸看洛花堆錦暖吳藕鏤冰寒莫厭

清歡暫須知後會難小詩煩本事任禿絲毫端  
北渚乘風渡西山帶霧看袖單嫌翠薄杯淺怯金寒宿雨  
收全易春醒解卻難且留行色住重肯過蘇端

春晚卽事留游子明王仲明

繡地紅千點平橋綠一篙棟花來石首穀雨熟櫻桃笑我  
生塵甌慚君有敝袍故人能少駐門徑久蓬蒿

留游子明

得得蛩音喜匆匆笑日開牢愁攻易破歸夢挽難迴我已  
疎茶椀君今減酒杯不如乘興棹更得幾回來

將至石湖道中書事

范氏詩選

卷四

石湖五言律

七

望雲草廬

木綠鷗邊漲天青鴈外晴柳隄隨草遠麥壟帶桑平白道  
吳新郭蒼烟越故城稍聞雞犬鬧僮僕想來迎

詠懷自嘲

簷溜春猶凍門扉晚未開退閒驚客至衰懶怕書來日  
教澆竹朝朝遣探梅園丁應竊笑猶自說心灰

范村雪後

習氣猶餘燼鍾情未溼灰忍寒貪看雪諱老強尋梅熨貼  
愁眉展勾盤笑口開直疑身健在時有句飛來

新歲書懷

門閤知閒好窗晴與睡宜歲華書戶筆  
例探梅詩看長

棋三著量添飯兩匙豁除身外事未是苦衰遲

范氏詩選

卷四

石湖五言律

天

望雲草廬

石湖先生詩選

禹航 周之麟 雪蒼

全選

仁和 柴一升 錦川

六言絕

題如夢堂壁

勃姑午啼喚雨鷓鴣曉轉留春片雲不載歸夢兩鬢全似  
客塵

曉起

簾額繡波蕩漾燭盤紅淚闌干夢裏五更風急愁邊一半

春殘

范氏詩選

卷四

石湖六言絕

完 望雲草廬

再遊上方

僧共老花俱在客將春雁同回范叔一寒如此劉郎前度

會來

宿牧馬山勝果寺

佛燈已暗還吐旅枕纔安卻驚月色看成曉色溪聲聽作

松聲

六言

銀竹方依簷住瑤花又入簾窺一白本憐麥瘦重來應爲

梅遲

次韻舉老見嘲未歸石湖

半世吟客舍柳長年憶後園花爲報廬山莫笑雲丘今屬誰家

不寐

春宵似暖非暖曉夢欲成未成風竹時驚雀噪月窗誰伴梅橫

積雨作寒

壓屋雨雲晝暗環城霖潦夏寒西池半沒荷柄南蕩平沉芙蓉

已報舟浮登岸更憐橋塌平池養成蛙吹無謂掃盡蚊雷

卻奇

范氏詩選

卷四

石湖六言絕

辛

望雲草廬

熨貼重尋毳衲補苴盡護紙窗餘生雪鬢禪榻昨夢雲帆漲江

題請息齋六言

多謝紛紛雲雨相忘渺渺江湖坐隅但忌占鵬屋上何煩譽烏

濫瀕年年如馬太行日日摧車笑中恐有義甫泣裏難防

叔魚

不惜人扶難拜非關我醉欲眠勞君敬枯木耳恐汝見溼灰焉

稅駕今吾將老結廬此地不喧恐防蝴蝶同夢笑倩顛當

守門

書事

嬰婢請陶酒米園丁催算花錢如許日生公事誰云窮巷  
蕭然

范氏詩選

卷四

石湖六言絕

三

望雲草廬

書事



石湖先生詩選

禹航 周之麟 雪蒼

全選

仁和 柴升 錦川

七言律

登西樓

少年豪氣合摧鋒。青鬢朱顏萬事慵。疇昔四愁無夢到。及時一笑有誰供。詩情飲興如雲薄。草色花光似酒濃。千里春心吟不盡。下樓分付晚烟鐘。

代聖集贈別

一曲悲歌水倒流。尊前何計緩千憂。事如夢斷無尋處。人

范氏詩選

卷四

石湖七言律

五

望雲草廬

似春歸挽不留。草色粘天鷓鴣恨。雨聲連曉鷓鴣愁。迢迢綠浦帆飛遠。今夜新晴獨倚樓。

二月三日登樓有懷金陵宣城諸友

百尺西樓十二欄。日遲花影對人閒。春風已入片時寒。食從今數日間。折柳故情都望斷。落梅新曲與愁關。詩成欲訪江南便。千里烟波萬疊山。

望金陵行闕

聖代規模跨六朝。行宮臺殿壓金鼇。三山落日青鸞近。雙闕清風紫鳳高。石虎躡江蟠王氣。玉麟湧地鎮神臯。太平不用千尋鎖。靜聽西城打夜濤。

立春日郊行

竹擁溪橋麥蓋坡。土牛行處亦笙歌。麴塵欲暗垂垂柳。醅  
面初明淺淺波。日滿縣前春市合。潮平浦口暮帆多。春來  
不欲兼無句。柰此金罍綵勝何。

暮春上塘道中

店舍無烟野水寒。競船人醉鼓闌珊。石門柳綠清明市。河  
口桃紅上巳山。飛絮着人春共老。片雲將夢晚俱還。明朝  
遮日長安道。慚愧江湖釣手閒。

餘杭道上

落花流水淺深紅。盡日帆飛繡浪中。桑眼迷離應欠麥

范氏詩選

卷四

石湖七言律

三

望雲草廬

鬚騷屑已禁風。牛羊路杳千山合。雞犬村深一徑通。五柳  
能消多許地。客程何苦鎮匆匆。

陳侍御園坐上

愁眼逢歡春水明。詩情得酒春雲生。花梢蝴蝶作團去。竹  
裏鸚鵡相對鳴。邂逅浮生此日好。纏綿俗累何時輕。壁牋  
洙墨乏奇句。擲笛當筵慚妙聲。

病中夜坐呈致遠

似霧如烟夜氣浮。鷓鴣驚睡起搔頭。含風竹影淡留月。着  
雨蛩聲深怨秋。萬事心空癡已慣。百骸歲晚病相投。便當  
採藥西山去。腳力蹒跚怕遠遊。

晚入盤門

人語潮喧晚吹涼萬窗燈火轉河塘兩行碧柳籠官渡一  
簇紅樓壓女牆何處採菱聞度曲誰家拜月認飄香輕裘  
駿馬慵穿市困倚蒲團入睡鄉

元日山寺

聽熟朝魚又暮鐘全將慵懶度三冬貪眠豹褥窗閒日怕  
擁駝裘陌上風登阪自憐行踏蹬讀碑仍怪視朦朧少年  
豪壯今如此略與殘僧氣味同

南塘冬夜唱和

燃箕烘暖夜窗幽時有新詩趣倡酬爲問灞橋風雪裏何  
范氏詩選 卷四 石湖七言律 四 望雲草廬

如田舍火爐頭寒缸欲暗吟方苦凍筆難驅字更遒絕笑  
兒癡生活淡略無歲晚稻梁謀

寒食客中有懷

江郭花開也寂寥不須綠暗與紅凋疾風甚雨過寒食白  
日青天吟大招芳景尙隨流水去故人應作綵雲飄烟波  
千里家何在惟有溪聲似晚潮

早發竹下

結束晨裝破小寒跨鞍那得散疲頑行衝薄薄輕輕霧看  
放重重疊疊山碧穗炊烟當樹直綠紋溪水趁橋彎清禽  
百轉似迎客正在有情無思閒

周德萬攜孥赴龍舒法曹道過水陽相見留別女弟  
草草相逢小駐船一杯和淚飲江天妹孤忍使行千里兄  
老那堪別數年馬轉不容吾悵望驢鳴肯爲汝留連神如  
相此俱強健絲髮歸來慰眼前

浙東參政寄示會稽蓬萊閣詩軸次韻寄題二首

仙翁來佩玉符麟綠髮無霜照碧筠永夜闌干千嶂月清  
風揮塵七洲春塵埃不隔壺中景功業猶關物外身鸞鶴  
莫驚兵衛峻主人元是白雲人

翫背飛來紺碧浮人間還有小蓬丘不須擊水三千里已  
壓中天十二樓羽駕舊會將夢到芝田今合爲公秋玉霄  
范氏詩選

卷四

石湖七言律

三

望雲草廬

有客方東望徑欲乘風馭氣游

天平先隴道中時將赴新安掾

霜橋冰澗淨無塵鳩竹溪梅未放春百疊海山鄉夢熟三  
年江路旅愁新松楸永寄孤窮淚泉石終收浪漫身好在  
鄰翁各安健歸來相訪說真情

次韻太守出郊

曉裝緹騎踏芳辰江爲安瀾露浥塵柴戟前驅留住月笙  
歌後部帶行春魚龍水面金杯滿鸞鶴山頭綠筆新聞道  
將軍寬禮數不辭醕酌吐車茵

次韻邊公辨

錯落參旗霄竹梢紫荆臨水閉蓬蒿春風吹曉玉蟾墮  
露洗空銀漢高雙鶻繞枝應也倦一蛩吟壁已能豪新秋  
只合添詩興莫學潘郎歎二毛

送施元光赴江西幕府

鎮南旌旆照江臯入幕如今客最高月暗秋城稀擊拆雲  
飛朝棟騰揮毫長亭酒盡歌三疊半夜溪深雨一篙莫戀  
陽關更西路九關歸路踏金鼇

次韻巖子文旅中見贈

杯中疇昔共江天傾坐新詩報警聯海浦寸心空共日京  
華雙鬢各凋年交情政說同方友句法甘從弟子員有意  
范氏詩選

卷四

石湖七言律

美 望雲草廬

數從文字飲何須爭著祖生鞭

與胡經仲陳朋元遊照山堂梅數百株盛開

九陌緇塵滿客襟錢塘門外有園林胡牀住處梅無限酒  
旆垂邊柳未深晴日暖風千里日殘山剩水一人心元方  
伯始皆吾黨邂逅清遊直萬金

雪晴呈子永

碧空無處泊同雲時入荒園鳥雀馴冰面小風池欲動雪  
邊濃日瓦如薰塵容俗狀長爲客冷蕊疎枝又作春詩卷  
豈能生暖熱犯寒聊復惱比鄰

次韻子永雪後見贈

雪飴待泮半陰晴竟日簷冰溜雨聲九陌泥乾塵未動南  
山石露塔猶明稍聞吉語占農事便覺歸心勝宦情想得  
村田來歲好瓦盆嘉釀灌愁城

與正夫朋元遊陳侍御園

沙際春風轉物華意行聊復到君家年年我是曾來客處  
處梅皆舊識花宦減不妨詩事業地寒猶辦醉生涯城中  
馬上那知此塵滿長裾席帽斜

正月十四日雨與正夫朋元小集夜歸

燈市淒清燈火稀雨中風帽笑歸遲月明想在雲堆處客  
醉都忘馬滑時老去尊前花隔霧春來句裏鬢成絲浮生

范氏詩選

卷四

石湖七言律

三

望雲草廬

不了悲歡事作劇兒童總未知

次韻正夫遊王園會者六人

丘園窈窕復崎嶇草木生香景倍殊花下百杯齊物我雲  
邊一眼盡江湖不知朱戶趨趨者能勝青山放浪無六逸  
蕭然直可畫爲君題作竹溪圖

四月五日集陳園照山堂

尋壑經丘到此堂官閑聊作送春忙短籬水面殘紅滿圍  
扇風前翠綠香盡捲簾旌延竹色深斟杯酒納山光洞門  
無鎖城門近轉午雞啼日正長

江安道中

瀘成之間有渡瀘亭不知孔明竟出何路  
江對岸虞城下臨馬湖有草皇絕功

碑疑此或  
是古跡

禮緣連村荔子殘瘴雲將雨暗前灣張旗且喜三灘駛叱  
馭會驚九折艱瀘水再閑迷古渡馬湖碑缺伴荒山威名  
功業吾何有無事飄飄犯百蠻

恭州夜泊

草山礮礪疆田疇村落熙然粟豆秋翠竹江村非錦里青  
溪夜月已渝州小樓高下依磐石弱纜西東戰急流入峽  
初程風物異布裙跣婦總垂瘤

鄂州南樓

誰將玉笛弄中秋黃鶴飛來識舊遊漢樹有情橫北渚蜀  
范氏詩選 卷四 石湖七言律 美 望雲草廬

江無語抱南樓燭天燈火三更市搖月旌旗萬里舟卻笑  
鱸卿垂釣手武昌魚好便淹留

東林寺

慧遠師白蓮社也傍有樂天草堂  
對山絕頂即天池文殊現燈處

談易繙經宰木春三生猶自裊烟熏客塵長隔虎溪水劫  
火不侵香谷雲老矣懶供蓮社課歸哉欣讀草堂文山頭  
一任天燈現箇事何曾落見聞

佛池口大風復泊

碧葦無思連天生青山有情終日橫風聲洶怒木朝拔川  
氣流光珠夜明誰能坐守白頭浪我欲往騎金背鯨俛仰  
之閒撫四海可憐步步愁江城

次韻蜀客西歸者來過石湖并寄舊僚

走遍埃塵倦鳥還故鄉元在水雲閒黃梁飯裏夢魂醒青  
蕪笠前身世閑鷗鷺飛來俱玉立松篁歲晚各蒼顏岷峨  
交舊如相問鐵鎖無肩任客攀

社中山放船

社下鐘聲送客船凌波擲鼓轉滄灣橫烟裊處雞豚社落  
日濃邊橘柚山入表茫茫孤鳥去萬生擾擾一舟閑湖心  
行路平如鏡陸地風波卻險艱

光福塘上

指點炊烟隔莽蒼午餐應可寄前莊雞聲人語小家樂木

范氏詩選

卷四

石湖七言律

无

望雲草廬

葉草花深巷香春已去空衣尙絮雨來何晚稻初芒祇今  
農事村村急第一先陂貯水塘

秋前風雨頓涼

秋期如約不須催雨脚風聲兩快哉但得暑光如寇退不  
辭老景似潮來酒杯觸撥詩情動書卷招邀病眼開明日  
更涼吾已卜暮雲渾作亂峯堆

再渡胥口

古來此地快蓬心天繞明湖日照臨一雁雲平時隱見雨  
山波動對浮沱衰鬢都共荻花老醉面不如楓葉深層戶  
釣徒來問訊去年盟在肯重尋



靜思堂夜坐懷故山

塵事潮來不可推身如病鶴彊毯毳簿書過眼尋訪路風  
雨驚殘問月杯想得竹門無客到直須雪夜有船迴鱸鄉  
望眼雙明處祇欠凌霄萬仞臺

晚步北園

刮地晴飈退海痕出門無扇可障塵麥黏瘠土何時雪梅  
糝疎林昨夜春天鏡風烟疑夢事鬢霜時節尙官身裹章  
束帶朝還暮慚愧青鞋紫領巾

春前十日作

殘臘猶餘十日春官忙長愧百年身雪催未動詩無力愁

范氏詩選

卷四

石湖七言律

罕

望雲草廬

遣還來酒不神節物何曾欺老病書生自慣說悲辛終朝  
戚作成何事今古紛紛一筭塵

元日

老來百味絮沾泥期會關身當火馳幾夜鄉心歆枕處今  
年腳力上樓時酒缸幸有乾坤大鼎何憂日月遲莫道  
神仙無可學學仙猶勝舊書癡

體中不佳偶書

生平人比似維摩試比疋屣不啻過舊摘衰髻今雪徧頰  
指病眼轉花多從來世味聊復爾此去官身如老何收拾  
頽齡和藥餌尙堪風月對婆娑

坐嘯齋書懷

老來窮苦事相違兀坐鈴齋竟日癡  
眼目昏緣多押字胸襟俗爲少吟詩  
月侵燈影吏方去春徧梅梢客未知  
直待食新方紱帶明朝騎馬問陵陂

致一齋述事

女書烟海困浮沉不覺盤跚百病侵  
偶問客年驚我老忽聞鶯語歎春深  
今朝麥粒黃堪麵幾日秧田綠似針  
除卻一犁春雨足眼前無物可關心

重九賞心亭登高

憶隨書劍此徘徊投老雙旌重把杯  
綠鬢風前無幾在黃

范氏詩選

卷四

石湖七言律

望

望雲草廬

花雨後不多開豐年江隴青黃徧  
落日淮山紫翠來飲罷此身猶是客  
鄉心卻附晚潮回

北門覆舟山道中

苒苒霜風掠弊貂薄書塵外訪漁樵  
林烟色淡如濛雨塘水痕深似落潮  
鴈字江天聞塞管梅梢山路欠浮橋  
騎驢索句當年事歲暮騷人不自聊

春晚

荒園蕭瑟懶追隨舞燕啼鶯各自私  
窗下日長多得睡尊前花老不供詩  
吾衰久矣雙蓬鬢歸去來吟一鈞  
絲想見籬東春漲動小舟無伴柳絲垂

重九獨坐玉麟堂

江上西風動所思  
又將清賞向東籬  
年年客路黃花酒  
日鄉心白鴈詩  
籠月秦淮無舊曲  
馳烟鍾阜有新詩  
人生笑口真稀闊  
況值官忙閔雨時

大雪書懷

天將奇賞發清歡  
疇昔登臨插羽翰  
梅下尋詩騎馬滑  
松梢索酒倚樓寒  
閉門老子愁無賴  
返棹歸來興已闌  
聊掬玉塵添石鼎  
自煎魚眼破龍團

元日

屋角崢嶸斗柄移  
案頭蕭索燭花垂  
與時消息評新藥  
若范氏詩選 卷四 石湖七言律 望 望雲草廬

節春秋憶舊詩  
饑飯困眠全體懶  
風餐露宿半生癡  
尊前見在休嫌老  
最後屠酥把一卮

請息齋書事

覆雨翻雲轉手成  
紛紛輕薄可憐生  
天無寒暑無時令  
人不炎涼不世情  
栩栩算來俱蝶夢  
啾啾能有幾雞鳴  
冰山側畔紅塵漲  
不隔瑤臺月露清

送文季高倅興元

素衣京洛恨成緇  
青鬢江湖喜未絲  
燭暗不眠談舊事  
酒闌作惡問行期  
琴書情話須親戚  
風雨今春更別離  
屈指歸來重一笑  
掃除門巷著旌麾

丙午新正書懷

瘦骨難勝遇節衣日高催起趁晨炊病憐柳栗隨身慣老  
覺屠蘇到手遲一飽但斬庚癸諾百年甘守甲辰岷莫言  
此外都無事柳眼梅梢正索詩

窮巷閉門本闐然強將爆竹聒階前人情舊雨非今雨世  
境增年是減年口不兩匙休足穀生能幾屐莫言錢掃除  
一室空諸有龐老家人總解禪吳諺云一口不能著兩匙

俗情如絮已泥沾因病偷閒意屬厭鷓鴣相安無可笑熊  
魚自古不容兼灰藏楮拙多時暖雪壓蔓菁滿意甜溫飽  
閉門吾事辦異時書判指如籤

范氏詩選

卷四

石湖七言律

望

望雲草廬

經過掃軌但幽棲巢隱林深寄一枝栗里歸來窗下臥香  
山老去病中詩東風馬首塵勞後半夜雞聲睡熟時俯仰  
平生盡陳迹恰如膈膊幾枰棋

殊方節物記吾曾海北天南一瘦藤烏欖雞檳嘗老酒酥  
花芋葉試新燈瘴雲度嶺濃如墨邊雪窺窗冷欲冰閑展  
兩鄉圖畫看臥遊何必滅深登

此篇記桂林成  
都元日舊事

元夕復連陰

問訊東風幾日來冷烟寒霧鎖池臺掃空積雪翻成雨收  
盡殘燈未見梅夜飲厭厭非老伴春陰莫莫是愁媒誰能  
腰鼓催花信快打梁州百遍雷

送聞人伯卿赴銅陵

雪壓關山畫掩扇故人何事短長亭折腰直爲瓶無米使  
腹猶憐筍有經牒訴塵埃頭更白簡編燈火眼終青可憐  
東壁輝光外寥落江湖處土星

題瓶中梅花

園林籬落凍芳塵南北枝閒玉蘂皺風袂挽香雖澹薄月  
窗橫影已精神雪霜春事年年晚今古詩情日日新鐵石  
如翁猶索句眞成嚼蠟對橫陳

翻韞菴夜坐聞雨

聞門冷落靜無諄小閣簾幃密自遮日晚課程丹竈火夜  
范氏詩選 卷四 石湖七言律 器 望雲草廬

深光景佛燈花人生寧有病連歲身世略如僧在家步履  
尋春非老伴任教風雨喚雷車

睡起

懋懋與世共兒嬉兀兀從人笑我癡閒裏事忙晴曬藥篩  
中機動夜爭碁心情詩卷無佳句時節梅花有好枝熟睡  
覺來何所欠瓊根香軟飯流匙

午窗遣興家人謀過石湖

雲日初收破柱雷小窗坐隱興悠哉薰爐花氣朝醒解茶  
鼎松風午夢迴謝客門闌風動竹惜春時節雨肥梅畫船  
破浪亦一快聞道湖光如撥醅

再遊天平有懷舊事

訪舊光陰二十年，殘僧相對兩依然。木蘭已老無花發，石竹依前有麝眠。萬戶直須龜三藥，一龕何用買山錢。從今半座須分我，共說昏昏一覺禪。

晚登木瀆小樓

萬象當樓黼繡張，欄干一士立蒼茫。雲堆不動山深碧，星出無多月淡黃。宿鳥盡時猶數點，歸鴉驚處更斜行。松陵政有鱸魚上，安得長竿坐釣航。

早衰

早衰頭腦已冬烘，信拙心情似苦空。僚舊姓名多健忘，家

范氏詩選

卷四

石湖七言律

望

望雲草廬

人長短總伴聾，一窗暖日棋聲裏。四壁寒燈藥氣中，晚景只消如此過。不堪枯坐教兒童。

一龕

一龕窄似鳥窠禪，世界悠悠任大千。與老有情冬後暖，去仙無幾日高眠。斫開竹後初三徑，忘卻詩來又一年。破戒忽題無味句，劣能成字不成篇。

陰寒終日兀坐

東風微解縹簷冰，仍喜朝來井水清。臘淺得春全未暖，雪慳和雨最難晴。小窗日暖猶棋局，窮巷更深尙屐聲。莫把摧頹嫌暮景，且將閒散替勞生。

親戚小集

避溼違寒不出門一冬未省正冠巾  
月從雪後皆奇夜天向梅邊有別春  
秉燭登臨空語舊擁爐情味莫懷新  
榮華勢利輸人慣贏得尊前見在身

劉德修少卿避暑惠山因便寄贈

鳴鳳朝陽尺五天匆匆忽過白鷗邊  
遙憐海內無雙士獨酌人間第二泉  
決去君今身似葉贈行誰有筆如椽  
老天但祝重相見未擬銷魂賦黯然

幽棲

幽棲先自懶衣裳秋暑薰肌汗似漿  
對客緒言多勉強謀范氏詩選

卷四

石湖七言律

吳

望雲草廬

家事事總荒唐蚤眠不待星當戶  
晚飯常占日半牆莫道閒中無外慕  
朝朝屈指望新涼

謝江東漕楊廷秀秘監送江東集并索近詩二首

遠道悠悠日暮雲愁眉今夕爲君軒  
殘燈獨照江東集短夢相尋白下門  
卽事想多梅蘂句有誰堪共桂花尊  
斯文有賴斯人在會合何時得細論

禿翁衰雪涕垂頤髮髯三生懶散師  
淡髓淪膚都是病傾困倒廩更無詩  
笑看筆格網絲徧開數窗櫺花影移  
事業光陰今若此故人休說舊襟期

再到虎丘

不過溪橋又兩年偶隨筇竹訪幽禪有緣再踏雲巖路無  
處重尋石井泉擬輟半山分座住先攜一枕借林眠覺來  
飽喫紅蓮飯正是塘東稻熟天虎丘石井在張又新東南  
其處安指寺中一土井當之經  
水品第三今寺僧不能名  
藏後有大方井舊名觀音井

本 閏月四日石湖取芳爛熳

北垞南岡總是家兒童隨逐任驩譁開嘗臘尾蒸來酒點  
數春頭接過花盡把園林蒙錦繡多添門戶鎖烟霞杖藜  
想被東風笑扶卻衰翁管物華

檢校石湖新田

今朝南野試開荒分手耘耨草棘場下地若干全種秫高

范氏詩選

卷四 石湖七言律

是

望雲草廬

原無幾謾栽桑蘆芽碧處重增岸梅子黃時早浚塘田里  
只知溫飽事從今棄卻半年忙

憶昔

鉛刀曾齒鏝鄒銛遊倦歸歎雪滿髯柳帶受風元不結荷  
盤承露竟無黏逢場鼓笛如灰冷送老糞鹽似蜜甜留得  
本來真面目行藏何假問龜占



石湖先生詩選

禹航 周之鱗 雲蒼

仁和 柴升 錦川 全選

七言絕

秋日二絕

碧蘆青柳不宜霜染作滄洲一帶黃莫把江山誇北客冷  
雲寒水更荒涼

新秋病骨頓成衰不度溪橋半月來無事閉門非左計饒  
渠屐齒上青苔

窗前木芙蓉

范氏詩選

卷四 石湖七言絕

吳 望雲草廬

辛苦孤花破小寒花心應似客心酸更憑青女留連得未  
作愁紅怨綠看

落鴻

落鴻聲裏怨關山淚溼秋衣不肯乾只道一番新雨過誰  
知雙袖倚樓寒

題山水橫看二首

生烟漠漠水漫漫老柳知秋渡口寒盡是西溪腸斷處憑  
君將與故人看

霜入丹楓白葦林橫烟平遠暮江深君看雁落帆飛處知  
我秋風故國心

浙江小磯春日

客裏無人共一杯故園桃李爲誰開春潮不管天涯恨更  
捲西興暮雨來

曉行

官塘驛

篝燈驛吏喚人行寥落星河向五更馬上誰驚千里夢石  
頭岡下小車聲

冥坐菴四首

油燈已暗復微明石鼎將乾尚有聲衲破蒙頭籠兩袖藜  
牀無地着功名

五更風竹闌軒窗聽作江船浪隱牀枕上翻身尋斷夢故

范氏詩選

卷四

石湖七言絕

吳

望雲草廬

人待漏滿靴霜

粥魚吼罷鼓逢逢臥聽饑甍上曉缸一點斜光明紙帳悟  
知檐雀已穿窗

跣趺合眼是元何靜裏惟聞鳥雀多俗客叩門稱問字又  
煩居士起穿靴

卽事

醉袖籠鞭轉柳塘青門芳樹掩殘香誰驚翡翠雙飛去祇  
有蓮花對斷腸

春晚二首

陰陰垂柳閉朱門一曲闌干一斷魂手把青梅春已去滿

城風雨怕黃昏  
夕陽槐影上簾鉤  
一枕清風夢昔遊  
夢見錢塘春盡處  
碧桃花謝水西流

題畫卷

鑿落秋水水石明  
高楓老柳兩灘橫  
君看疊巘雲容變  
又有中宵雨意生

晚潮

東風吹雨晚潮生  
疊鼓催船鏡裏行  
心事今年春漲小  
去年曾與畫橋平

碧瓦

范氏詩選

卷四

石湖七言絕

辛

望雲草廬

碧瓦樓頭繡幙遮  
赤欄橋外綠溪斜  
無風楊柳漫天絮  
雨棠梨滿地花

次韻漢卿舅臘梅

垂垂瘦萼泣微霜  
剪剪纖英鎖暗香  
金雀釵頭金蛺蝶  
春風傳得舊宮妝

晚步

排門簾幕夜香飄  
燈火人聲小市橋  
滿縣月明春意好  
旗亭吹笛近元宵

半塘

柳暗闌門逗曉開  
半塘塘下越溪回  
炊烟擁掩船船過  
芳

草綠隄步步來

胥口

扁舟拍浪信西東  
何處孤帆萬里風  
一雨快晴雲放樹  
兩山中斷水粘空

山頂

翠屏無路強攀緣  
我與枯藤各半仙  
不敢高聲天闕近  
人閒漠漠但寒烟

山徑

雲根新徑絡山腰  
暗綠交陰宿露飄  
行到竹深啼鳥鬧  
鵝鳩老怨畫眉嬌

范氏詩選

卷四

石湖七言絕

五

望雲草廬

金氏菴

菴廢無人居

醉墨題窗側暮鴉  
蔓藤緣壁走青蛇  
春深有燕捎飛蝶  
日暮無人掃落花

平雲閣

背倚天峰湧化宮  
橫空閣道拖雙虹  
火雲六月應奇絕  
青瑣玲瓏八面風

夜歸

竹輿伊軋走長街  
掠面風清醉夢迴  
曲巷無聲門戶閉  
一燈猶照酒罏開

題傳記二首

莫將綵筆寄朝雲紅淚羅巾隔路塵說與東風無限恨情  
風吹斷去去年春

綵舟歸去海山青寂寞瑤臺月自明啼雨落花春已盡夢  
魂何必更多情

病中絕句

溽暑薰天地湧泉鬱跽避溼挂行纏出門斟酌無忙事睡  
過黃梅細雨天

簷頭排溜密如簾溪上層陰定解嚴最是看山奇絕處白  
雲堆絮擁青尖

夜合捎頭蘸紫茸萊蕪頂上折黃封去年團扇題詩處依

范氏詩選

卷四

石湖七言絕

五

望雲草廬

舊疎簾細雨中

晴色先從喜鵲知斜陽一抹照天西竹雞何物能無賴如  
許泥深更苦啼

白雲嶺

路入千峰一線通陸離長劍立天風五年嶺客題名處正  
在孤雲亂石中

題城山晚對軒壁

一枕清風夢綠蘿人閒隨處是南柯也知睡足當歸去不  
奈溪山留我何

題開元天寶遺事

御前羯鼓透春空笑覺花奴手未工一曲打開紅杏蕊須  
知天子是天公

謝蠻舞袖貴妃絃秦國如花號國妍不賞纏頭三百萬阿  
姨何處費金錢

晚步西園

料峭清寒結晚陰飛花院落怨春深吹開紅紫還吹落一  
種東風兩樣心

慶充自黃山歸索其道中詩書一絕問之

鳴騶如電馬如雷知是婆娑醉尉回常日錦囊猶有句况  
從三十六峰來

范氏詩選

卷四

石湖七言絕

五

望雲草廬

送琴客許揚歸永嘉

烏帽休衝九陌埃瘦藤定約到秋迴龍湫鴈蕩經行處斷  
取松風萬壑雷

四月十六日柱笏亭偶題

轉午聞雞日正長小亭方丈納空光綠陰一雨濃如黛何  
處風來百種香

淳安

篙師叫怒破清瀧水石如鐘自擊撞欲識人間奇險處但  
從欽浦過桐江

嚴州

城府黃塵撲馬鞍一篙重探水雲寒耳邊眼底無公事睡  
過嚴州二百灘舟人云自徽至嚴二百灘

桐廬

溼雲垂野澹疎林十日山行九日陰梅子弄黃應要雨不  
知客路已泥深

插秧

種密移疎綠毯平行閒清淺穀紋生誰知細細青青草中  
有豐年擊壤聲

柱笏亭晚望

林泉隨處有清涼山繞欄干客自忙溪雨不飛虹尙飲亂  
范氏詩選卷四石湖七言絕 雩 望雲草廬

蟬高柳滿斜陽

次韻馬少伊木犀

密密嬌黃侍翠輿避風遮日小扶疎畫欄想見懸秋晚無  
限宮香總不如

張恭甫正字折贈館中碧桃

滿枝晴雪照青霞舊識桃源暈碧花俯仰京塵隔年夢東  
風猶認故人家

春晚偶題

寂寥春事冷於秋雨打風吹斷送休點檢梨花成一夢  
紅新綠滿枝頭

袁山道中

虎嘯狐鳴苦竹叢，魂驚終日走蒙茸。  
松林斷處前山缺，又見南湖數十峰。

李次山自畫兩圖，其一泛舟湖山之下，  
小女奴坐船頭吹笛，其一跨驢渡小橋入深谷，各題一絕。

船頭月午坐忘歸，不管風鬟露滿衣。  
橫玉三聲湖起浪，山前應有鵲驚飛。

黃塵車馬夢初闌，杳騎驢紫翠閒。  
飽識千峰真面目，當年柱笏謾看山。

高景菴讀舊題有感

范氏詩選

卷四

石湖七言絕

畫

望雲草廬

梅苔風雨舊詩留，十七年前鬢未秋。  
巖桂拂雲篁竹拱，樹猶如此一搔頭。

華山道中

過午曾陰未肯開，暖寒邨店竹籬灰。  
蕭蕭林響棠梨戰，晚恐楊山有雨來。

長沙王墓在闔門外

英雄轉眼逐東流，百戰工夫上一抔。  
蕎麥茫茫花似雪，牧童吹笛上高丘。

寒夜獨步中庭

忍寒索句踏霜行，刮面風來鬢結冰。  
倦僕觸屏呼不應，梅



花影下一窗燈

戲題牡丹

玉人有意惜芳春寶帳籠階護紫雲風日等閑猶不到外  
邊蜂蝶莫紛紛

春日

藥欄花暖小鴉眠雪白晴雲水碧天煮酒青梅寒食過夕  
陽庭院鎖鞦韆

弔陳叔寶祠

賞心亭上再來遊烟月迷人獨自愁行到江邊無去路卻  
隨潮水過揚州

范氏詩選

卷四

石湖七言絕

美 望雲草廬

虞姬墓

在北 馬舖

劉項家人總可憐英雄無策庇嬋娟戚姬葬處君知否不  
及虞兮有墓田

州橋

南望朱雀門北望宣  
德樓皆由御路過

州橋南北是天街父老年年等駕迴忍淚失聲詢使者幾  
時真有大軍來

真定府

紫袖當棚兩鬢凋會隨廣樂奏雲韶老來未忍看婆舞猶  
倚黃鐘袞六

出塞路

在甘肅北  
十里

當年玉帛聘遼陽出塞曾歌此路長漢節重尋舊車轍插  
天猶有萬垂楊

白溝

高陵深谷變遷中佛劫仙塵事事空一水清流獨如帶天  
應留作漢提封

龍津橋

燕石扶欄玉雪堆柳塘南北抱城迴西山剩放龍津水留  
待官軍飲馬來

清音堂與趙德莊太常小飲在餘干琵琶洲旁洲以  
形似得名

范氏詩選

卷四

石湖七言絕

七

望雲草廬

曲浦灣環繞縣青一杯閑客雨飄零琵琶不語蒼烟暮山  
水清音著意聽

初入湖南醴陵界

崖樹陰陰夾暝途出山歡喜見平蕪一春客夢飽風雨行  
盡江南聞鷓鴣

初見山花

三日晴泥尙沒鞦幾時風雨過年華湘東二月春纔到恰  
有山櫻一樹花

緩帶軒獨坐

午日烘開葢惹芭簷塵飛動雀爭巢蒙蒙困眼無安處聞

送爐烟到竹梢

酒邊二絕

團扇香中嫋嫋風，斷腸聲裏看差紅。  
不須過處催乾盞，聽徹歌頭盞自空。

日長繡倦酒紅潮，閑束羅巾理六么。  
新樣築毬花十八，丁寧小玉慢吹簫。

施進之追路出嚴關具寫余真戲題其上

喚渡牂牁瘴水濱，嚴關關外又逢春。  
神仙富貴俱何在，且作全家出嶺人。

羅江

范氏詩選

卷四

石湖七言絕

癸

望雲草廬

嶺北初程分外貪，驚心猶自怯晴嵐。  
如何花木湘江上，也有黃茅似嶺南。

淡溪舖中二絕追路寄呈元將仲顯二使君

賀州歸去柳州還，還分路千山與萬山。  
把酒故人都別盡，今朝真箇出陽關。

祇有南風捲路塵，斷無南客送車輪。  
故人合在瀟湘見，卻向瀟湘別故人。

竈渚

白魚出水臥銀刀，紫筍堆盤脫錦袍。  
捫腹將軍猶未快，棹船兩岸摘萸蒿。

雨後東郭排岸司申梅開方及三分戲書小絕令一  
面開燕

雨入南枝玉蕊皺合江雲冷凍芳塵司花好事相邀勒不  
著笙歌不肯春

三月二日北門上馬

新街如拭過鳴騶芍藥醠醠競滿頭十里珠簾樓閣上少  
城風物似揚州

錦亭燃燭觀海棠

銀燭光中萬綺霞醉紅堆上缺蟾斜從今勝絕西園夜壓  
盡錦官城裏花

范氏詩選

卷四

石湖七言絕

弄望雲草廬

入崇寧界

桑閒三宿尙回頭何況三年濯錦遊草草俾筒中酒處不  
知身已在彭州

最高峰望雪山

天面峰頭六月寒神燈收罷曉雲班浮空忽湧三銀闕云  
是西天雪嶺山

次韻陸務觀慈姥巖別二絕

送我彌旬未忍回可憐蕭索把離杯不辭更宿中巖下投  
老餘年豈再來

明朝真是送行人從此關山隔故情道義不磨雙鯉在蜀

江流水貫吳城

次韻代答劉文潛司業二絕

半羌江上首空回  
慈姥巖前定把杯  
縱使百腸都忘卻  
也應風雨送愁來

面廊月下短歌行  
惟有知音解有情  
一曲紅窗聲裏怨  
如今分作兩愁城

過燕渡望大峨有白氣如層樓拔起叢雲中

圓野千山暑氣昏  
大峨烟靄亦繽紛  
玉峰忽起三千丈  
應是兜羅世界雲

秣歸郡圃

范氏詩選

卷四

石湖七言絕

卒

望雲草廬

花竹蕭騷小圃畦  
官居翻似隱淪棲  
巴山四合秋陽滿  
杜宇黃鸝相對啼

宋玉宅

悲秋人去話難工  
搖落空山草木風  
猶有市人傳舊事  
酒醺還在宋家東

題黃州臨臯亭

夏口風帆赤壁磯  
雪堂醜酒竹樓棋  
繫船一日黃州下  
祗辦登臨不辦詩

放舟風復不順再泊馬當對岸夾中馬當水府卽小  
說所載神助王勃一篇清風處也戲題兩絕

萬里江隨倦客東馬當山嘴勒孤蓬無才解賦珠簾雨誰肯相賒一席風

禁江上口柏山東三日荒寒繫短蓬卻憶宮亭湖裏去隨人南北解分風

淳熙五年四月二日直宿玉堂懷舊

桂海冰天老歲華直廬重上玉皇家當年曾識青青鬢惟有東牆一架花

雪山刁斗不停搗更把除書敢顧家珍重玉堂今夜夢靜聞宮漏隔宮花

秋後二日泛舟越來溪三絕

范氏詩選

卷四

石湖七言絕

空

望雲草廬

西風初入小溪帆旋織波紋縐淺藍行火開荷無水面紅蓮沉醉白蓮酣

一川新漲熨秋光挂起蓬窗受晚涼楊柳無窮蟬不斷好風將夢過橫塘

飯後茶前困思生水寬風穩信篙撐不知浪打船頭響聽作凌波解珮聲

自橫塘橋過黃山

陣陣輕寒細馬驕竹林茅店小帘招東風已綠南溪水更染溪南萬柳條

泊衡州

客裏仍哦對雨吟  
夜來星月曉  
陰空江十日無春事  
船到衡陽柳色深

曉起

窗明驚起倒裳衣  
鈴索頻搖定怪遲  
卽入簿書叢裏去  
少留欵枕聽黃鸝

眞英堂前丹桂

血色凡花大俗生  
花工新意染秋英  
袍紅太重鞋紅淺  
畫不能模句寫成

三江亭觀雪

陰山陽朔雪中迴  
行到天西玉作堆  
乘興卻遊東海上  
白范氏詩選

卷四

石湖七言絕

空

望雲草廬

銀宮闕認蓬萊

香山

抖擻軒裳一闕塵  
任教空翠滴烏巾  
老身已到籃輿上  
處處青山是故人

元日馬上二絕

泥絮心情雪樣髭  
詩囊羞澁酒杯嫌  
年來萬事都消滅  
唯

有牀頭歷日漆

筋骸全比去年非  
騎吹聲中憶釣磯  
待得江風欺老病  
何如閒健一蓑歸

中秋清暉閣靜坐因思前一年石湖四明賞月

前年銀界接天迷去歲金盤湧海  
漂泊相逢重一笑秦  
淮東畔女牆西

玉麟堂會諸司觀牡丹餘曠

東風微峭護餘春紅紫香中酒自溫不用忙催銀燭上餘  
醺如雪照黃昏

喜雨

昨遣長鬚借踏車小池須水引鳴蛙今朝一雨添新漲便  
合翻泥種藕花

中秋無月

兒女無惊坐客稀今年孤負隔年期誰從天上牢遮月不  
范氏詩選 卷四 石湖七言絕 三 望雲草廬

管人閒大欠詩

撲地癡雲欲萬重家家簾幕護房櫳世閒第一無情物誰  
似中秋雨與風

雪中苦寒二首

真凌分職大閒關辛苦行冬強作難費盡無邊風與雪劣  
能供得一番寒

首毡帳下玉杯寬香裏吹笙醉裏看風雪過門無入處卻  
投窮巷覓袁安

枕上聞婆餅焦

曉寒燕雀噤春陰珍重清黃度好音窗色熹微欹枕聽夢



成舟艤竹溪深

枕上有感

窗明似月曉光新  
被暖如薰睡息勻  
衝雨販夫牆外過  
故應嗤我是何人

丙午人日立春屈指癸卯孟夏晦得疾恰千日矣戲書

百年能有幾春光  
只合都將付醉鄉  
衰病卻除千日外  
尙餘三萬五千場

春來風雨無一日好晴因賦餅花

滿插瓶花罷出遊  
莫將攀折爲花愁  
不知燭照香

范氏詩選

卷四

石湖七言絕

畜

望雲草廬

似風吹雨打休

梅雨

梅雨暫收斜照明  
去年無此一日晴  
忽思城東黃

聽打鼓踏車聲

已酉甲申雷雨驚  
乘除卻賀芒種晴  
插秧先插早秬種  
少

忍數旬蒸米成

吳農忌五月甲申乙酉雨則大水

雨霽雲澗池面光  
二年魚苗如許長  
小荷卷卷可包鮓  
晚

日照盤風露香

四時田園雜興并序

高麗丙午沉疴少紓復至石湖舊隱野外卽事輒書

一絕終歲得六十篇號四時田園雜興今選三十一首

柳花深巷午雞聲桑葉尖新綠未成坐睡覺來無一事滿窗晴日看蠶生

土膏欲動雨頻催萬草千花一餉開舍後荒畦猶綠秀鄰家鞭笋過牆來

老盆新熟杜茅柴攜向田頭祭社來巫媪莫嫌滋味薄旅亭官酒更多灰

社下燒錢鼓似雷日斜扶得醉翁回青枝滿地花狼籍知是兒孫鬪草來

寒食花枝插滿頭蒨裙青袂幾扁舟一年一度遊山寺不范氏詩選

卷四

石湖七言絕

奎

望雲草廬

上靈巖卽虎丘

種園得果僅償勞不柰兒童鳥雀搔已插棘針樊筍徑更鋪魚網蓋櫻桃

吉日初開稻種芑南山雷動雨連宵今年不欠秧田水新漲看看拍小橋

桑下春蔬綠滿畦菘心青嫩芥臺肥溪頭洗擇店頭賣日暮裹鹽沽酒歸

紫青萼葉卷荷香玉雪芹芽拔薤長自擷溪毛充晚供短篷風雨宿橫塘

雨後山家起較遲天窗新色半熹微老翁欹枕聽鶯囀童

子開門放燕飛

海雨江風浪作堆時新魚菜逐春回荻芽抽筍河魴上棟  
子開花石首來

烏鳥投林過客稀前山烟暝到柴扉小童一棹舟如葉獨  
自編欄鴨陣歸

梅子金黃杏子肥麥花雪白菜花稀日長籬落無人過惟  
有蜻蜓蛺蝶飛

五月吳江麥秀寒移秧披絮尙衣單稻根科斗行如塊田  
水今年一尺寬

二麥俱秋斗百錢田家喚作小豐年餅爐飯甌無餓色接  
范氏詩選

卷四

石湖七言絕

空望雲草廬

到西風熟稻天

晝出耘苗夜績麻村莊兒女各當家童孫未解供耕織也  
傍桑陰學種瓜

黃塵行客汗如漿少住儂家漱井香借與門前盤石坐柳  
陰亭午正風涼

千頃芙蓉放棹嬉花深迷路晚忘歸家人暗識船行處時  
有驚忙小鴨飛

采菱辛苦廢犁鉏血指流丹鬼質枯無力買田聊種水近  
來湖面亦收租

朱門巧夕沸歡聲田舍黃昏靜掩扃男解牽牛女能織不

須邀福渡河星

橘蠹如蠶入化機枝閒垂繭似蓑衣忽然蛻作穿花蝶翅  
粉纔乾便學飛

靜看簷蛛結網低無端妨礙小蟲飛蜻蜓倒掛蜂兒窘  
催喚山童爲解圍

垂成穉事苦艱難忌雨嫌風更怯寒  
賤訖天公休掠剩半償私債半輸官

新霜徹曉報秋深染盡青林作纈林  
惟有橘園風景異碧叢叢裏萬黃金

斜日低山片月高睡餘行樂繞江郊  
霜風掃盡千林葉閒范氏詩選卷四  
石湖七言絕

空望雲草廬

倚筇枝數鷓巢

放船開看雪山晴風定奇寒晚更凝  
坐聽一篙珠玉碎不知湖面已成冰

撥雪挑來踏地菘味如蜜藕更肥醲  
朱門肉食無風味只作尋常菜把拱

榾柮無烟雪夜長地爐煨酒暖如湯  
莫嗔老媪無盤釘笑指灰中芋栗香

煮酒春前臘後蒸一年長饗甕頭清  
塵居何似山居樂秫米新來禁入城

探梅公子款柴門  
校比枝南總未春  
忽見小桃紅似錦  
卻

疑儂是武陵人  
村巷終年見俗情  
鄰翁講禮拜柴門  
長衫布縷如霜雪  
云是家機自織成

題秋鷺圖

昨夜新霜冷釣磯  
綠荷消瘦碧蘆肥  
一江秋色無人問  
盡屬風標雨雪衣

題米元暉吳興山水橫卷

道場山麓接何山  
影落蒼溪浸碧瀾  
只欠荷花三十里  
橈頭船上把漁竿

素羹

范氏詩選

卷四

石湖七言絕

突

望雲草廬

檀芋凝酥敵少城  
土著割玉南京合  
和一物歸藜新  
法儂家骨董羹

宿閩門

五更潮落木鳴船  
霜送新寒到枕邊  
報道霧收紅日上  
野翁猶益短蓬眠

壽樸堂枕上

禪牀初著小山屏  
夜久秋涼枕蓆清  
繞髻飛紋妨好睡  
臥聽簷雨入池聲

睡覺

尋思斷夢半蒼騰  
漸見天窗紙瓦明  
宿鳥噪羣穿竹去  
縣

酒自打殘更

海棠欲開雨作

春睡花枝醉夢回安排銀燭照妝臺蒼茫不解東風意政用此時吹雨來

雨再作正妨海棠

漂紅溼紫滿莓苔潑墨濃雲尙送雷風雨豈無他日再何須隨卻海棠來

戲題趙從善兩畫軸

家有琵琶妓甚工病翁未得見借此畫戲之

一枝香杏一枝梅各占家風挂玉釵居士石腸都似夢王孫心眼怎安排

范氏詩選

卷四

石湖七言絕

完

望雲草廬

搔頭珠重步微搖約臂金寒東未牢要見低鬟搗玉腕更須斜抱紫檀槽

喜收知舊書復畏答書二絕

故人寥落似晨星珍重書來問死生筆意不如當日建髻邊應也雪千莖

強裁尺素答相思兩目眵腕力疲牽牽老夫合至此門前猶說報書遲

重送文處厚因寄蜀父老

灌口江源不斷流峨眉山月幾番秋江山好處吾能記爲問江山記客不

